

一  
道  
通  
念





黃檗清規序

古無叢林學道之士唯巢居穴處至百丈大智禪師始勸叢林立規矩爲天下師表而法門以之  
大備自時厥後凡有招提之處莫不遵依老僧自甲午歲於



古黃檗受請東來晉駐錫於東  
明聖壽次遷晉門皆遵其灑以  
牧衆但不能盡行焉辛丑蒙  
上賜地重開黃檗迄今十有  
餘禩次第輪奐佛有殿而僧有  
堂凡叢林之所當立者無不畢


備老僧雖老朽無似忝爲一代  
開山不得不重立規制以曉後  
昆蓋隨時隨地其立法有所不  
同卽隨方毘尼意也如晉應國  
師幻住清規亦一家之訓非與  
天下叢林共之凡我後昆宜遵



我法庶叢林不混而祖道可振  
祝國祐民盡在是爾豈閉事  
邪其或有過量衲僧任性逍遙  
不存軌則視此編爲贅疣則法  
門幸矣尚何言哉不然慎勿以  
吾之不可學柳下惠之可

皆

龍飛壬子季良月穀旦山城州  
黃檗山萬福禪寺開山老人  
隱元琦書于松隱丈室





黃檗清規目次

編首序

祝釐章第一

報本章第二

尊祖章第三

住持章第四

梵行章第五

諷誦章第六



節序章第七

禮法章第八

普請章第九

遷化章第十

附錄

佛事梵唄讚

開山預囑語

塔院規約

古德語輯要

法具圖

隱元和尚黃檗清規

第二代住持嗣法門人性瑄木菴閱

住法苑禪院嗣法孫性澈高泉編修

祝釐章第一 釐福也

靈山佛法付囑國王大臣蓋王臣多從果位中  
來威德自在能扶佛法為屏為翰為金為湯我  
等出世之士得安身行道而無外侮者實  
王臣之恩力也故凡遇歲時節臘祝釐之典



不可不盡其心焉

元旦

歲日聞報鐘衆起盥頰盥音管洗手也頰音誨洗面也各具威

儀俟法鼓大擗集法堂內雁行側立屏息絕慮

堂頭陞座祝 聖下座同大衆登大雄殿衆舉

讚堂頭上香大展九拜堂頭出時侍者二人一人捧香合行者二人持

燈每月朔退詣韋馱 伽藍 祖師 監齋諸

祠拈香衆唱 聖無量壽決定光明王陀羅尼

唱訖維那出班互跪合掌白云 大圓滿覺應

跡西乾心包太虛量周沙界仰叩洪慈俯垂明

證大日本國某道某州某禪寺住持沙門某等

於今某年某月某旦之辰雲集僧衆登臨寶殿

諷演祕章稱揚嘉號所集洪因端為祝延

今上 皇帝聖壽萬歲萬歲萬歲此處大衆同聲應和

鳴鼓一通衆一齊曲船問訊 皇后齊年太子千秋文武官僚

高增祿位伏願 金輪永鎮玉燭常調八紘安



有道之長四海樂無爲之化現前大衆同念金  
剛無量壽護國仁王菩薩摩訶薩大衆同聲誦楞嚴咒心經  
次詣韋馱天 伽藍 祖師 監齋諸祠如  
法讚誦諸祠二悅衆輪祝白讚訖歸大殿回向 起立分  
班各展其雲集三拜維那白云大眾仰衆俱俯首聽維  
那唱禮畢乃起身立定監寺領堂外大執事叅  
堂後同詣方丈禮堂頭時首座或維那進爐前插香一炷退與衆同拜  
維那引堂衆巡察巡已歸堂堂外大衆亦各巡察賀

歲卯齋後依輪流日單登殿禮懺祝國其  
懺期或七日或五日或二日或三千佛或現劫  
千佛隨力而行期滿設瑜伽斛食若無瑜伽師  
若菴居不能辨者但勉課時堂前設齋筵便是  
不必強也又每月朔望祝讚諷誦同前如非期內  
不用叅堂巡察普應國師云切惟皇恩如天之  
之覆林泉懦弱之士仰承帝澤而獲終身之  
安其贊祝之誠豈可擇日而爲之蓋二六時中  
俯仰折旋皆是謝恩祈禱之時也觀此而祝  
之第一典章哉



報本章第二

父母生形大本如來出世大本恩踰覆載正法  
念經云如來三界最勝度脫生死此恩難報若  
於佛法深心得不壞信是名報恩又華嚴偈云  
如來無數劫勤苦為眾生云何諸世間不報大  
師恩故古者云假使頂戴塵沙劫身為牀座徧  
三千若不傳法度眾生決定無能報恩者至哉  
言乎是故凡稱佛子續佛慧命念念追慕洪恩

隨時脩供登世禮哉

佛降誕

四月八日 本山下は五月八日 祝拜す

預結花亭一座以示生佛相安立香湯盆內用  
小杓二柄佛前陳花菓燈燭齋供至日大眾登  
殿舉讚堂頭上香大展三拜維那舉浴佛偈我  
灌沐誰如來淨智莊嚴功德聚五  
濁眾生令離垢同證如來淨法身  
和堂頭執杓三沐退身再拜而出首座乃與兩  
序揖班每班二位同跪佛前焚香三沐  
畢即舉



楞嚴咒回向是日堂頭午間鳴鼓集眾上供堂

頭大展三拜不收坐具進爐前拈香復位三拜

再進上茶上食侍者遞上退身三拜收具上供時維

那宜疏如佛成道  
涅槃等日俱做此

### 佛成道

預設香花燈燭茶菓珍羞至日五更大眾登殿

祝讚堂頭拈香是日陞座說法及午如法上供堂頭如

前上香右二日當設浴五味粥

羞膳也  
食也珍  
羞美食  
也

大鑑清規云佛誕生佛成道此日設浴譬喻經

云佛以臘月八日現神變降伏六師六師負墮

遂投水而死徒黨有存者佛為說法開悟同日

白佛世尊以法水洗我心垢今我請佛僧洗浴

身垢

### 佛涅槃

先一日知殿僧汛掃佛殿掛涅槃像營備香花

燈燭茶果珍羞以申供養至日五更大眾祝讚

汛音信  
洒也



堂頭拈香早粥後眾誦遺教經堂頭陞座說法  
午供時如前拈香及上食

觀音降誕

預設香花燈燭茶果珍羞至日鳴鼓集眾誦普  
門品堂頭上香午供如前

彌勒降誕

供具諷誦拈香同前若堂頭有他緣都寺代爲  
上香

尊祖章第三

達磨西來不立文字直指人心見性成佛蓋當  
時義學沙門唯依經解義溺於名相不能頓悟  
故達磨起而抹之疑者不信屢加毒害至徠歷  
九霜得可大師親傳衣蓋乃隻履西歸嗣是宗  
門之士祀之爲祖後百丈大智禪師立規矩以  
訓吾徒而叢林由是而興至於臨濟乃本宗之  
祖我等既承其後可弗尊歟



梳首夷  
衣架也

達磨忌

十月五日

先一日就法堂上掛像嚴設香花燈燭茶果珍  
羞古有梳架法衣是晚鳴鼓集眾念大悲咒堂  
頭拈香至日鳴鐘大衆整威儀雁行側立候堂  
頭至舉法大展三拜不收坐具進座前拈香復  
位三拜再進上茶上食侍者復退身三拜起具  
諸忌禮準此大衆誦楞嚴咒畢維那回向云上來諷  
誦殊勛奉為

高又淨院

最林師表無生  
雄峯禪儀法範  
三成就三代禮

初祖菩提達磨圓覺大師上酬慈蔭十方三世  
一切佛諸尊菩薩摩訶薩摩訶般若波羅蜜鳴  
磬一下眾作禮而退

百丈忌

一月十七日

先一日就法堂上掛像供養諷誦拈香禮同前  
回向云上來諷誦殊勛奉為  
百丈大智弘宗妙行禪師大和尚上酬慈蔭十  
方三世一切佛云云

黃葉青兒



臨濟忌

真空天

供養諷誦等禮同前回向云上來諷誦殊勛奉  
為臨濟慧照禪師大和尚上酬慈蔭十方三  
世一切佛云云

徑山老和尚忌

供養諷誦等禮同前回向云上來諷誦殊勛奉  
為前住徑山上費下隱先老和尚上酬慈蔭  
十方三世一切佛云云

開山和尚忌

每年逢開山忌預設香花燈燭茶果珍羞以申  
供養或就開山堂或就法堂隨時施行前一夜集眾諷誦至日  
撞大鐘普集合山大眾各整威儀依次雁列住  
持上香三拜歸位悅眾鳴引磬大眾作禮排班舉讚  
誦楞嚴咒心經罷住持上茶上食退身三拜聽  
疏畢再拜收具大眾結讚維那回向云上來  
誦功德奉為四月三日



本寺開山先老和尚上酬慈蔭十方三世一切  
佛云云

埽開山塔

每年遇清明重陽二日營備時羞詣塔頭祭埽  
七月半塔頭然燈或二夜五夜隨意

開山愍忌

就本堂設香花燈燭茶果珍羞以申供養大衆  
諷誦訖維那回向

住持章第四

夫住持者何謂藉其人持其法使之永住而不  
泯也古無住持唯傳法旨大智之後佛法鼎盛  
乃有住持之事居丈室列兩序闡佛祖之綱宗  
開人天之眼目德雖人推位實天定豈偶然哉  
近代謬妄者往往以力謀不知其所係之重昔  
虎巖禪師主雙徑時嘗言道家者流上章謁  
帝其還甚遲因叩之答云為選徑山四十八代



住持故天閣久不開爾後四十八代乃元叟端  
和尚住持噫住持之位前定若此以力謀之不  
亦唐勞乎

### 住持日用

每日侵早登殿禮佛二時聽雲版赴堂上下午  
定香一炷香後或見客或調理公務剋課時據  
座侍者左受眾參禮若有急務無暇應接或大  
熱大寒不欲勞眾者則掛牌免禮入夜復定香

鐘鼓後乃寢息

或有齋主請上堂先一日庫司爲備禮儀梓祿  
知客引齋主到兩序察次第拜見表重法也小  
靜後兩序具威儀同齋主詣方丈啟請齋主上  
香設拜悅衆鳴引聲兩序一齊作禮維那明朝某處  
齋主某甲專爲某事恭請和尚上堂伏祈慈悲  
俯垂允可復一觸禮而退翌日早間行者掛上  
堂牌小靜後兩序復領齋主上方丈催請禮如



前但不用催請訖聽梆赴小席候禪堂開大靜

接鐘兩序與大眾各整威儀集法堂內或有法

諸山住持名德座右設位或王者官永益侍者

客對座設位知禮尊法則不坐也

捧法爐出法鼓大羯兩序偕堂眾入方丈作禮

迎住持陞座住持出方丈時行者知隨六人提

鐘鼓止大眾同舉香讚住持立座上三蒸旃檀

齋主座下行香讚畢住持歛衣據座大眾觸禮

一拜悅眾二人連鳴引磬三通維那接大磬三

下白椎云法筵龍象眾當觀第一義復鳴磬

一下有問話者住持提唱當下座維那復白椎

云諦觀法王法法王法如是遂鳴磬一下眾

觸禮一拜送歸方丈復一觸禮而出書記錄法

語揭示堂前

或有齋主請小參不用三請唯先一日兩序同

齋主詣方丈啟請維那白云明日齋主某專為

事恭請和尚小參伏祈慈悲允可翌日行者



掛小參牌設平座齋後鳴鼓集衆兩序同齋主  
請堂頭入堂衆舉讚齋主行香讚已衆觸禮一拜  
堂頭據座悅衆鳴引磬三通有問話者堂頭提  
唱罷衆復一觸禮兩序送歸方丈出班問已  
或遇節臘或因事無齋主堂頭欲陞座舉揚佛  
事則不用三請但都寺行香一請一迎小參亦  
然書記錄提唱語揭堂前若書記有他緣書狀  
侍者代之

### 住持進退

凡請新命必前任住持預先告衆次白公府俟  
公命下然後脩書疏珍重聘請新命領已前任  
者當於方丈設齋兩序光伴齋後點對從次日  
前住上堂辭衆下座槌鼓三下而退  
若新命在遠方當預發專使專使須從兩序中推之齋書  
疏聘請新命受已當就彼寺設齋擇日進山舊  
住持當預先辭衆退東堂或移居別院



山

檀香燈 大衆 東序 疏法衣 提爐

侍者

入院式

杖拂

都寺

寶蓋

住持

侍者

門

幢幡燈 大衆 西序 帖盃盃 提爐

侍者

新命將進院長鳴鐘鼓合山大衆具威儀持香

燈旛蓋遠出迎接至山門佛殿伽藍祖師堂方

丈各炷香

大衆拜賀是日開堂祝聖

方丈中須設香花燈

果諸供養具

午間佛殿上供新命拈香俟雲版赴齋

下午巡察當晚小參常住設普茶 新命入院

後會兩序茶詳詢從上砧基什物點對交割

凡住持有所教誡囑付兩序執事當依教施行

毋得恃權以逆師法若所命有所防礙似不能

行者不妨從容稟白

又住持人亦不得恃尊自用致上下不穆而壞

化風凡有公務當與合山有名位人并兩序執

事互相議論可則行之否則止之是見至公無



鳩毒鳥  
其毛瀝  
酒飲之  
殺人

私而住持之道正矣

又常住物重如山住持人不得私用亦不得互  
用罪歸身後豈不見禪林審訓云常住金穀除  
供眾之外幾如鳩毒住持人與司其出入者纔  
沾著則通身潰爛律部載之詳矣古人將錢就  
庫下同生薑煎藥葢可見又人天寶鑑云東山  
淵禪師自東山遷至五峰見火箸與東山所用  
者無異遂詰其奴曰莫是東山方丈物乎奴曰

然彼此常住無利害故將至之淵誠之曰汝輩  
無知安識因果有互用之罪急令送還以上三  
事乃千秋模範老僧自愧德涼但住持數利未  
嘗私用常住葢因果昭然不可犯也



梵行章第五

梵行者沙門釋子所當行之本行也。梵者淨也。爲僧不行淨行。以至醉濃飽鮮。靡所不作。則是禿居士。袈裟賊。非所以爲僧矣。似此之徒。生遭王法。外墮泥犁。可悲可痛。可羞可恥。好心出家者。既預叢林。賢聖之會。當生難遭。想洗心向上。矢志進修。就使道眼未明。亦成一淨行高德之僧。爲人師範。爲世福田。不至虛竊信施。若不爾。



者非吾眷屬勿入吾門可也

學道人先須堅持禁戒如沙彌十戒比丘二百五十戒菩薩十重四十八輕戒識相堅持毋得違犯設有違犯即當生大慚愧痛自責心發露懺悔次行種種利益之事以助戒德大抵諸惡莫作衆善奉行則梵行二字已包括無遺矣若不持戒無由得定若不得定無由發慧戒定慧不具則貪嗔癡日長貪嗔癡日長則梵行全

際音誓  
齧也臍  
音齊肚  
臍也

虧梵行既虧縱有妙解誦得三藏玄言讀得四庫文章臘月二十夜到來半字也用不著當此之時際臍無及矣

凡是黃檗兒孫須依黃檗規約持戒禮誦增激參禪禪暇不妨博覽藏典尊宿語錄智力有餘者博及羣書庶幾可矣常見少年僧衆不明罪福不識輕重佛祖經教置之不聞競從俗士習書狎近惡友流浪忘返以至敗名喪德者皆由



習書始也

又有一等無恥之徒，怕叢林拘束，藉口習書，寓居俗舍，竟歲不歸。縱情放逸，甚至戀酒色，毀梵行，退人善信，上玷法門，下辱師傳。此等名為「焦敗種」，艸惡毒根苗，入地獄如箭射者也。知事察出，焚衣單，從偏門擯出。

傳首附  
藝巖云  
善知識  
者是我  
師傳

弘戒儀式

凡欲開壇弘戒，頭首知事預白堂頭，議請羯磨。

周章  
經  
營貌

教授尊證引請諸闍黎，并侍者直壇。然後知客引沙彌頭，以栴祇送禮儀。特就方丈設齋，請諸闍黎、都寺、書記、副寺、光伴。書記出榜揭堂前云開戒在邇。內外諸師欲受戒者，當先就庫司納戒資。次到書記察報名，以便填牒。勿得臨時周章。謹白。又以大紅紙寫戒壇執事單，并弘戒日單，揭戒壇前。

戒壇執事



梵阿闍黎  
黎華言  
軌範亦  
云正行  
能糾正  
弟子行  
也

某寺上某下某某為羯磨阿闍黎  
某寺上某下某某為教授阿闍黎  
某寺上某下某某為尊證阿闍黎  
某寺上某下某某為尊證阿闍黎  
某寺上某下某某為尊證阿闍黎  
某寺上某下某某為尊證阿闍黎  
某寺上某下某某為尊證阿闍黎  
某寺上某下某某為尊證阿闍黎

梵語羯磨此云作法辨事

某寺上某下某某為尊證阿闍黎  
引請某某闍黎  
侍者某  
直壇某引請二位或四位侍者二位直壇四位  
引票三師七證共十條  
第一引票上某下某某宗師為得戒大和尚  
第二引票上某下某某宗師為羯磨阿闍黎  
第三引票上某下某某宗師為教授阿闍黎



第四引票上 其下 其某 宗師為尊證阿闍黎

至第十引 票俱做此 ○票用紅紙長二尺餘闊五寸

弘戒日單

初一日上午進壇演淨

下午羯磨阿闍黎審在家出家求授五戒八

戒十戒等遮難法

初二日上午 堂頭授在家出家三歸五戒法

下午稟 堂頭法筵羯磨阿闍黎授沙彌十

戒法

初三日上午 堂頭付衣鉢

下午筵教授阿闍黎教持衣鉢法

初四日上午筵教授阿闍黎說沙彌十戒律

下午羯磨阿闍黎策發沙彌法

初五日上午教授阿闍黎說四依法

下午筵羯磨阿闍黎預問難法

初六日上午登壇授大比丘具足戒法



下午登教授阿闍黎說隨相法

初七日上午將進菩薩大戒羯磨阿闍黎預前

審戒法

下午將授菩薩大戒登教授阿闍黎問難七

遮法

初八日上午正授菩薩大戒法

下午教授阿闍黎誦梵網經方丈示

登票六條憑日單中抄出

初六日授比丘戒設位

尊尊尊尊尊尊尊尊

尊尊尊尊尊尊尊尊

教授

堂頭位平座

高

南無本師釋迦牟尼佛

座

南無建壇四聖菩薩

高

座

先至天王殿拈引票  
堂頭位設中央座

四聖名  
号一豆  
田邪菩  
薩二樓  
至菩薩  
三馬蘭  
邪菩薩  
四激照  
祖師菩  
薩



初八日授菩薩大戒設位

南無文殊菩薩為羯磨師高

南無華藏教主盧舍那佛

南無彌勒菩薩為教授師座

南山燈照大律師高  
優婆塞尊者  
十方諸佛為尊法師  
十方菩薩為同學者  
天童老和尚為救源座

高位  
堂讀座

平位  
羯磨座  
教授座

戒牒

謹遵 梵網經云

釋迦牟尼佛初坐菩提樹下成無上覺已初結菩薩  
波羅提木又孝順父母師僧二寶孝順至道之  
法孝名為戒亦名制止若受

佛戒者國王王子宰臣百官比丘比丘尼優婆塞  
優婆夷及一切人非人等但解法師語盡受得  
戒應知

梵語波羅提木  
文此云保解脫  
又律云不義者  
戒也



千佛流傳惟此一法況戒爲入道之基六度之首教中之正體也茲據大明會典一欵

洪武十年三月十三日禮部尚書張呂等奉

聖旨天下各寺院僧人們知道如有僧人行童願要行腳習學經律聽教參禪的聽他出外參學或善知識在寺院山林共相講明宗教傳誦戒律所遇官司毋得禁他欽此欽遵又於萬曆四十年十月九日御馬監太監張然傳奉

聖旨欽賜紫衣盃盃錫杖恭就五臺山敕建永明禪寺傳授

千佛大戒上祝

聖壽無疆福國裕民欽此欽遵依例傳戒廣行善法周擴

聖恩今於省府山禪寺建壇說戒初壇于本年本月初三日授沙彌戒次壇于本月初六日授比丘戒三壇于本月初八日授菩薩戒內



有僧年十歲係府縣人原出家  
 于寺禮為落髮師發菩提心就本  
 壇次第受菩薩大戒合牒給與隨身執照遊方  
 叅學凡遇關津把隘處憑此驗實須至牒者  
 臨濟正傳第三十世授戒和尚

羯磨阿闍黎  
 教授阿闍黎  
 尊證阿闍黎

引請 闍黎

右牒給付 戒弟子 收執

太歲 年 月 日給

戒牒 此二字 大字 太歲年月日中用 大二寶印識之

三衣益具

戒子發心受戒要須自己置辨三衣益具若借  
 若無並名非法準律明判並不得戒一生虛受  
 信施將來墜墮三途



新戒叅堂

沙彌比丘菩薩新得戒已引請引新戒叅堂巡察事畢歸位

應齋持益

齋時各著七条衣就位捧盃念供養已放盃出生羯磨侍者出眾白云佛制比丘食存五觀散心禱話信施難消大衆聞磬聲各正念鳴磬一下衆受食時全敬授侍者鳴引磬念瀉山警策念畢結齋先念準提咒後偈云

所謂布施者必獲其義利若為樂故施後必得安樂○飯食已訖當願衆生所作皆辨具諸佛法

日用偈呪

五衣 善哉解脫服無相福田衣我今頂戴受世世不捨離○唵悉陀耶莎訶七遍

七衣 善哉解脫服無相福田衣我今頂戴受世世常得披○唵度波度波莎訶七遍



大衣 著僧伽黎當願衆生入第一位得不動法

善哉解脫服無相福田衣我今頂戴受廣度諸

羣迷○唵摩訶迦波波吒悉帝莎訶 七徧

佛前 若得見佛當願衆生得無礙眼見一切佛

唵阿蜜栗帝吽發吒 七徧

展具 臥具尼師壇長養心苗性展開登聖地奉行如

來命○唵檀波檀波莎訶 七徧

展盃 如來應量器我今得敷展願供一切衆等三輪

空寂○唵斯麻摩尼莎訶 七徧

出生 法力不思議大悲無障礙七粒徧十方普施周

沙界○唵度利益莎訶 七徧 此早齋用

大鵬金翅鳥曠野鬼神衆羅刹鬼子母甘露悉

充滿○唵穆帝莎訶 七徧 此午齋用

侍者 送食 汝等鬼神衆我今施汝供此食徧十方一切鬼

神共○唵穆力陵莎訶 七徧 如無侍者 自送亦爾

洗盃 以此洗盃水如天甘露味施與諸鬼神悉令獲



飽滿○唵摩休囉悉莎訶 七遍

嚼楊枝

嚼楊枝時當願眾生其心調淨噬諸煩惱

唵嚙唵嚙 二十遍 莎訶

淨手

以水盥掌當願眾生得清淨手受持佛法

唵主迦囉耶莎訶 七遍乃至二十一

洗面

以水洗面當願眾生得淨法門永無垢染

唵嚙 二十遍 莎訶

聞鐘

願此鐘聲超法界鐵圍幽闇悉皆聞聞塵清淨

證圓通一切有情成正覺聞鐘聲煩惱輕智慧

長菩提生離地獄出火坑願成佛度眾生

唵伽羅帝耶莎婆訶 七遍

登廁 密念

唵狠魯陀耶娑婆訶 七遍

念此咒先 彈指三下

大小便時當願眾生棄貪嗔癡蠲除罪法

唵室利曳娑醯莎訶 七遍

洗淨

事訖就水當願眾生出世法中速疾而往 又云

洗滌形穢當願眾生清淨調柔畢竟無垢



庵賀曩密栗帝莎訶 七徧

登廁洗淨比丘常法經云不洗淨者不得入大  
僧類不得坐禪牀不得登寶殿等若違者得惡  
作罪

已上偈咒乃廣中取略以便受持若欲備覽當  
檢毘尼日用錄

諷誦章第六

早晚諷誦叢林定課大眾和合共演摩訶般若海  
潮於紅蓮舌上流梵韻於金碧堂中上竅有頂  
下徹風輪俾見者聞者頓除煩惱幽者顯者悉  
獲良因功無唐喪福有攸歸況此方真教體清  
淨在音聞則諷誦之儀其可闕歟

早晚堂

早堂誦楞嚴呪心經繞佛繞畢跪念怡山願文



或華嚴願文此文俱要滴水魚和聲緩念貴在  
悲切懇到善念者最能生人善心念畢鳴引磬維  
那唱云○四生九有同登華藏玄門八難三途  
共入毘盧性海鳴鼓起身念三自歸

○晚堂誦彌陀經蒙山施食文心經往生呪次唱  
普回向真言繞佛繞畢跪念願文維那唱警策  
云○是日已過命亦隨滅如少水魚斯有何樂  
大眾鳴大磬當勤精進如救頭然但念無常慎

勿放逸三歸全前

每月遇十四二十羯磨夜誦彌陀經已跪念八  
十八佛懺悔文至南無大行普賢菩薩三稱已  
鳴鼓起身念出食文如常課誦畢羯磨大眾展  
一通互跪合掌維那鳴本山萬福禪寺住持沙門某  
大磬三聲白云領眾等具白羯磨鳴磬一下仰冀十方常住三  
審伽藍聖眾同作證明如有犯根本大戒剋剝  
常住者即時譴責犯小過者對眾懺悔某年某



月某工夜羯磨復鳴磬一下眾伏身一拜收坐具

分班維那云羯磨已竟大眾師對首三拜

當羯磨時堂頭拈香三拜立佛前領眾事畢歸方丈受拜听鼓赴普茶

上供諷誦

聞鼓聲具威儀登殿維那舉香讚齋主行香事

具禪林課誦本不錄

小菴早晚諷誦

菴居眾少課誦不能如法早間念大悲呪心經

至摩訶般若波羅蜜多三稱上來現前清淨眾

諷誦如來祕密呪云云稱佛號若干聲跪念願

文三自歸

剋間彌陀經或大悲呪出食文餘全前又每日

上下午坐香一炷然後或辨事或看讀夜間坐

香一炷此定課也若能精進長坐則勿拘定課

小施食

凡住小菴院欲施食就佛堂前設淨几香燭齋



筵饅頭一盤飯一盤豆腐一盤生菜一盤及夜

淨水一盃時菓數品

鳴鼓三通眾具威儀舉讚云

○吉祥會啟甘露門開孤魂田子降臨來聞法飽

香齋永脫輪回幽暗一時開○雲來集菩薩云

次念大悲呪三十五佛施食文宜疏末唱十六

觀門或蓮池海會主者回向云○上來設放甘

露法食功德圓滿普沾沙界和南聖眾遂回身

禮佛撤齋筵施正

二時念供養

每一時臨齋必須念供養儀出生事具課誦本

齋後結齋或受齋當念財法二施等無差別圓

滿具足檀波羅蜜維那云謝齋遂問訊歸堂

放生儀式

生到即集眾備淨水一盃楊柳一枝稱

南無大悲觀世音菩薩二聲誦大悲呪洒淨次

南無多寶如來南無寶勝如來南無妙色身如



來。南無廣博身如來。南無離怖畏如來。南無甘露王如來。南無阿彌陀如來 三徧

歸依佛歸依法歸依僧歸依佛兩足尊歸依法離欲尊歸依僧眾中尊歸依佛竟歸依法竟歸依僧竟 三徧

佛子所造諸惡業皆由無始貪嗔癡從身語意之所生一切我今皆懺悔 三徧

眾生無邊誓願度煩惱無盡誓願斷法門無量

誓願學佛道無上誓願成 三徧

自性眾生誓願度自性煩惱誓願斷自性法門

誓願學自性佛道誓願成 三徧

願以此功德普及於一切我等與眾生皆共成佛道 便放

經懺

凡有施主求願或預修或保安或荐拔等講僧轉經禮懺或一日或二日或七日都寺知客引



施主稟堂頭次就庫司納淨財定日建道場預  
請書記辨疏揭日單庫子營備種種菓品殿司  
直壇嚴設壇場至期鳴鼓集眾如法禮誦午必  
上供夜放餞口或象山隨施主願心

靈前諷誦

凡施主設齋求薦靈殿司爲設靈几立位牌陳  
香花燈燭茶菓等至期鳴鼓三下維那領眾登  
殿上供次詣靈前舉二寶讚彌陀經或大悲呪

心經往生呪變食真言結讚回向

若堂頭有荐  
偈揭靈座上

眾舉讚時施主詣靈前挿  
香退身三拜左右各一拜

放水燈

將放水燈備齋筵几案法器於舟中及夜懺主  
率眾登舟念蒙山施食科念畢放燈不得喧譁  
戲笑蓋欲賑濟水府冥靈沈淪之苦非游戲也  
○凡作佛事或禮懺念經等必須清淨二業嚴肅  
威儀次第隨眾如法禮念志存利益毋得放逸



節序章第七

日月代謝節序推遷念世界之無常痛生歿之  
大故勤行法事振頓禪林斷今時衲子之惰習  
傲從上聖師之妙行自利利他德莫大焉

正月

歲旦祝 聖建三千佛道場 事具祝釐章

上元解制 堂上 ○十七日百丈忌 事具尊祖章

二月

十五日佛涅槃 事具報本章

十九日觀音降誕 事具報本章

三月

清明日掃開山塔

二十九日徑山容老和尚忌 事具尊祖章

四月

初三日開山和尚忌

初八日佛降誕 事具報本章



初十日臨濟祖師忌

事具尊祖章

十五日結夏上堂

五月

端午日上堂

小叅

示衆

初八日彌勒佛降誕

事具報本章

六月

七月

十五日解夏上堂

未語孟  
蘭盆此  
云救倒  
懸器

啟建孟蘭盆報本大會

先十日前庫司知客白方丈發普度簿合寺僧

衆及諸檀信欲薦先靈者各出淨資登簿後到

書記察報先靈鄉貫名字以便人疏題榜至期

庫司營備種種菓品供養佛菩薩韋馱

伽藍監齋寒林所揭榜文及所薦先靈

逐日午間各具齋供大衆各依日單隨衆禮懺

至自恣日當午設和羅飯華言自恣食以五果  
煮香飯是也



以盃盂盛之安佛前大眾上供跪誦盂蘭盆經  
住持拈香夜放瑜伽法食或代小菴院不能建會唯誦經一日可也

八月

中秋上堂 小叅 示衆

九月

重九日掃開山塔 上堂 小叅 示衆

十月

初五日達磨祖師忌 事具尊祖章

十五日結制

凡遇結制時有信心長者欲充期主先白堂頭  
及都寺次知客引至庫司納淨貨營備一期中  
所需之物每逢五逢十開浴時早間掛開浴牌  
陳香几菓品糖湯午後湯熱知浴具威儀請堂  
頭及兩序次第入浴餘事具浴堂規

十一月

初四日開山和尚愍忌 事具尊祖章



冬至日祝 聖上堂 小叅

十二月

初一日開戒期事具梵行章


初八日佛成道事具報本章

除夜每羊廿九日開浴結算如無三十日則先一日夜放蒙

山歲除日佛殿 韋馱 伽藍 祖師 緊那

羅王 彌勒 觀音 祖堂 檀越祠等處各

設香花燈燭菓品齋供將午鳴鼓集眾舉香讚

堂頭拈香念八十八佛懺悔文上供儀次詣 韋馱

天伽藍神等處諷誦歸念願文三自歸畢詣方

丈禮堂頭歸位聽版赴齋下午小叅藥石後常

住普茶次堂中執事等就齋堂備茶筵請 堂

頭及大眾初一夜堂外執事備茶筵初一夜堂

頭設普茶

節序佛事疏語

歲首啟建祝 聖道場疏

藥石晚食也比 丘過年不食故 晚食名藥石為 齋飢渴也



撫摩也  
摩胸也  
歎猶槐也

伏以三陽開泰。頒玉曆於四方。千佛迎祥。現金  
容於萬福。大哉乾元。資始妙矣。洪運維新。恭焚  
五分之真香。敢竭一誠於蓮鑿。切念某等。揣德  
全疎。撫膺惟歎。主盟禪席。常叨覆載之恩。開導  
凡情。尤藉照臨之德。握機輪于掌上。承至化于  
寰中。匪憑我佛之慈。曷祝堯仁之壽。由是歲當  
啟祚之辰。敬集合山海眾。登臨寶殿。極唱圓音。  
頂禮三千之聖號。大開一七之期場。淨三業于

聯合也  
臻至也

一心融一念于三際。伊蒲陳供。上獻十方聖賢。  
甘露均濡。下資一切品類。集此勝因。端申祝慶。  
伏願佛日與舜日齊明。皇風同慈風永扇。載詞  
載德。萬方均樂。葛天民種。福種因一會成。歸檀  
度眾。堅初心而成妙果。聞正法而祛妄緣。百福  
駢臻。仰冀邦基永固。二門鎮靜。長期祖道東興。  
一眾安康。四時迪吉。  
又元日禮懺通用疏 凡小菴院俱可用



鴻大也  
休慶也

伏以泰運方亨萬物咸沾化育慈風乍啟大千  
悉獲鴻休是以山河鎮靜黎庶安康在在講聲  
載道時時瑞氣臨垣沙門某感此山居無難行  
道多祥皆由上天覆護之德諸佛加被之功由  
是涓履端之且至於某日嚴設華壇廣陳清供  
仰勞六和淨眾頂禮諸佛洪名罄竭一心肅清  
三業所願梵音唱處諸天合爪以同聆法樂鳴  
時九地圓通而其證多生父母悉使超昇現在

宗親恒沾利樂人人獲三多之慶各各保四大  
之和次期本山檀越合國士民菩提弗退固佛  
法之金湯祿位高昇壯皇家之柱石更期山門  
鼎盛僧海波恬各悟直指之心均闡單傳之化  
使金輪與法輪共轉帝道等佛道遐昌凡所祈  
求咸承感應

佛涅槃疏

伏以節值仲春跋提河悲聲驟起時當中夜娑



羅樹遺教親宣示有變之幻軀入無聲之三昧  
雖謂千百億身徧刹塵而不滅奈緣七十九載  
果夙願而難延經今久遠法化猶存敬想金容  
曷勝孺慕用是今日十五日就于本寺率眾苾  
芻全翻貝葉恭焚艾納之瓣學展純陀之供伏  
願一真界內垂金厲以提攜大寂光中縱紺眸  
而洞鑒令人人入毘盧性海俾各各契涅槃妙  
心謹疏

觀音大士降誕疏

伏以至化令行青帝扇春風之律圓通門啟大  
悲現水月之容既無生而不度信有感以斯彰  
爰瀝丹誠仰垂洞照今據某州某寺住持沙門  
某等雲集苾芻恭投蓮座仰惟大士降生之日  
正當百花呈瑞之時端秉一心焚戒香於審鼎  
肅清三業宣梵韻於海門在會檀那樂聞正法  
視生慈眼不捨威光洒甘露於楊柳枝頭三根



普潤布慈雲於塵沙界內萬象皆春六合昇平  
兆民向化

開山和尚涅槃疏

伏以宗燈發燄列刹均分祖苑之光道樹變榮  
羣生俄動鵠林之感既識心而能達本豈飲水  
而不知源凡我宗枝合舒葵烟恭惟本寺開山  
先老和尚徑山曾出臨濟正傳一棒西來起扶  
桑三百年之法運甘春東寓開黃檗五千指之

禪場行百丈禮儀巖巖師表提三玄正印凜凜  
霜容麗日月於天中擒象龍於喝下德臘高超  
乎一世足稱闔國之瞻依道名上徹乎九重屢  
受聖皇之眷注既而能事周隆化功告備闋  
然入無聲三昧正爾當首夏初旬淚眼墜珠感  
人天之悲戀風柯掠地動林鳥之哀號雖云生  
滅同原其實音容異世追念開天之偉績莫酬  
刻骨之深恩茲值幾週諱辰敬集四方海眾諷



誦楞嚴神咒。上陳香積伊蒲。藉此勝因。特申供養。伏願大寂光中。等毘盧而受用。真如界內。坐慈眼以普觀。涼樹秀發。孫枝同仰。千秋之慈蔭。祖山高增翠色。永期萬福之來臨。謹疏。

釋迦文佛降誕疏

伏以。降跡毘藍。現四八端嚴之妙相。分身刹土。開億千廣大之化門。稽首鴻慈。俯舒葵悃。今據某州某寺。住持沙門某等。竊惟赤帝司權。乃當

首夏。迦文瑞世。正值良辰。人人願沐金軀。喜九龍之吐水。處處弘揚正法。仰三界之獨尊。七步周行。躡青蓮於足下。萬方普照。放白玉於眉間。破長夜之昏衢。開羣生之覺性。謹疏。

建盂蘭會疏 二

伏以。純孝格天。目連尊者。啟盂蘭之會。真慈應世。調御丈夫。興報本之懷。闡一代化儀。為萬年聖訓。普天仰式。率土遵依。稽首金蓮。俯舒誠悃。



切念衆等生逢聖世幸廁僧倫戒品霑身向荷  
佛光之覆蔭蓼莪成詠重嗟親德之未酬是以  
淚眼風枝想音容之如在山舟夜壑驚歲月之  
迭更及其發足離鄉遙自瞻風撥艸或乃忘緣  
遺世專爲訪道尋師道旣因聞將何慰親以道  
恩無能報敢言割愛忘恩全虧甘旨之勤勞竟  
抱終天之哀慟茲者秋臨大地節屆中元幸逢  
諸佛歡喜之辰乃是衆僧自恣之日恭就當山

崇建道場頂禮諸佛懺法用酬因極洪恩伏願  
聖眼遙觀玉毫垂照衆等父母師長普及法界  
有情歷劫親緣多生眷屬在堂者各享頤期之  
壽過去者直登清泰之鄉聞妙偈以祛妄情悟  
無生而證法忍克成子道化育羣機  
伏以桂花初秀萸莢均開正當諸佛歡喜之辰  
適值衆僧自恣之日切念衆等凡心未盡聖智  
未圓思父母之劬勞何以報德念幽冥之痛苦



奚以超昇。由是就于本山。率諸清衆。諷利生之  
妙典。誦報本之真詮。午陳淨供。夜設斛食。以斯  
善利。回施羣生。所薦靈魂。幸垂加被。伏願親恩  
普報。子願無違。在堂者福海增深。已往者罪花  
凋謝。生生咸承。般若世世不退。菩提次期。檀門  
清吉。僧海安寧。天下昇平。萬民樂業。凡在未禱  
之中。悉賴大慈之蔭。

施食疏

伏以慈心普運。弘開利濟之門。甘露均施。廣及  
幽冥之衆。俯申葵悃。仰叩蓮臺。今據某州某郡  
奉佛植福弟子某甲。竊念某夙植善根。幸藉佛  
天之覆庇。生逢明世。長居人道。之全安。痛幻身  
之靡實。嗟道業之無成。欲固壽元。宜脩勝福。由  
是虔發一誠。就于當寺。敷陳香饌。供佛及僧。晚  
設甘露法食。廣資冥途。品類仰憑。清衆同運。眞  
慈唱梵。海之潮音。破昏衢之大夢。伏願玉毫垂



照法澤均沾俾某等色身勇健進道無虞先靈眷屬悉證果於蓮胎現世宗親同歸心於佛乘隨有緣而得度信無願而不從謹疏

佛成道疏

伏以雪覆千山示六年之苦行星明午夜契歷劫之真機不有正因曷成極果是以大千經卷匪智人而莫剖無上妙法微覺者而難知某等生逢末運忝紹宗猷洽髓淪肌咸承聖澤摩頂

放踵悉沐鴻恩想當時一麻一麥之食添今日無淚無涯之愧由是恭登紺宇敬獻香麈廣集僧伽稱揚寶號伏願香煙起處結成徧界之雲臺葵萼傾時上達大慈之覺苑頓除衆等妄想執著親證如來智慧德相謹疏

寒林榜

法身本具佛性不無奈緣片念之罅池遂致無邊之困苦黃泉路畔白骨加新熱鐵山間飢煙



競起撞頭磕額。欲出無門。顛地號天。擬投何所。  
徒流離于累劫。枉出沒乎千生。淒淒州野。恆聞  
哭泣之聲。瑟瑟寒林。每見風霜之慘。匪仗我佛  
慈力。曷超汝等幽魂。以今節屆中元。法行普度。  
開金繩之覺路。設願海之慈筏。各宜直下。知歸  
切莫依前。蹉過醍醐乳酪。隨意所需。華藏蓮臺。  
舉頭斯至。猶春風之微動。枯木回蘇。等秋水之  
澄清。冰輪應現。如斯勝會。願證菩提。

右榜曉諭鬼趣通知

太歲某年七月 日給



禮法章第八

禮者天理之節文人事之儀則在儒固常行之  
方外人所不廢也方外人禮法非是外修邊幅  
蓋為內簡其心必先外束其身未有外既放逸  
而內能靜一者也佛制比丘威儀必肅百丈製  
作禮法必嚴大覺運動靜尊嚴黃龍南進止有  
度有自來矣宋伊川先生見僧入堂嘆曰三代  
禮樂盡在此矣以是觀之方外人禮法可不謹

幅布帛  
廣也邊  
幅謂若  
有帛修  
飾其邊  
幅也

與

堂衆出入

堂中大衆或早晚課誦或一時赴齋一出入  
衆目所觀不可不謹出則頭首先行末位後接  
兩人並肩徐步又手不得左右顧盼不得涕唾  
言笑合掌不得虛中繞佛不得拖履禮拜不得  
參差伏則同伏起則同起經聲不得緊緩緊則  
俱緊緩則俱緩想金容于神鑒融諦理于心源



或赴齋時坐不得交足食不得出聲端身正意  
下氣和容運三匙于願前作五觀于厥後入則  
末位先行頭首殿後威儀必肅體貌必恭及接  
版散班各嚼齒木漱口隨眾經行

餘事具堂規

凡住持有公務遠出晚參時白眾云山僧明日  
有某事當行知事大眾凡山門庶務善加理治  
毋得弛廢大衆領命翌日臨發聲鐘鼓大眾送  
至山門外歸時亦鳴鐘鼓具威儀迎接若暫出

入則不用鐘鼓若諸山有應世大尊宿到山亦  
當鳴鐘鼓大眾具威儀迎接住持人山門前竝  
候問訊起居敷設牀座竭誠供養勿得苟簡若  
有王者及尊客欲參謁住持隨喜法會知事頭  
首亦當以禮延接相對道話令生歡喜令起信  
心切忌間談世務彼此無益相傳昔有官人入  
寺值一沙彌在天王殿掃地官人問曰金剛如  
何努目菩薩如何低眉沙彌對曰金剛努目可



以降伏衆魔菩薩低眉所以慈悲六道官人不  
覺致敬此所謂善說道話生人正信者也若寺  
中早晚上下相遇互相致敬若是尊長須側立  
道左俟尊長過後乃去不得唐突豈不見受禪  
師云廊下逢僧須問訊門前遇客要相呼出家  
體態宜謙讓莫學愚人禮數無○又寺中僧衆  
往來須著褊衫直裰除登廁作務時若父母師  
長有致命當應者須白知事給暇事訖即回若

堂規

不給假擅自出入以致妄爲非法者擯治

五鼓報鐘鳴連一版直日揭帳齊盥沐禮佛二  
版上單二版止靜香一寸開靜課誦誦畢候雲  
版鳴齊過堂粥粥後接一版定香魚二鳴經行  
香半炷二版茶復經行香將完魚一鳴齊抽解  
歸位三版止靜坐香完開小靜茶香一寸隨意  
經行魚一鳴抽解三鳴復靜香完隨意坐候



鳴開靜歸位聽版過堂飯飯後接版定香止靜  
如前候開靜過堂粥粥後聽報鐘鳴課誦誦畢  
歸堂鳴引磬問訊接一版定香止靜如前香完  
開靜放參

一堂頭上堂時各具衣次第而立有話問則出  
勿得參差違者罰

一堂中出入時出則執事在前入則執事在後  
違者罰

一止靜坐香并課誦不隨眾者罰

一巡香故縱昏散者罰

一鄰對單攬互坐位襍談者罰

一食時不待結齋無事預起者罰

一直日接版定香鳴魚洗茶鍾每須炤管違者

罰

一抽解沐浴洗浣時不得入客堂諸寮空處與  
入襍話違者罰



一經行時不得亂行放參後不得亂走作聲妨眾違者罰

一為已事他出當出眾問訊告假過限者不得旋便進堂在外消遣候單除公務不論

一尊客入堂聞客版鳴齊歸位參差者罰

一鬪構是非屢不隨眾者出堂

一有小恙不許告假重者給假至重者出堂調養方丈立

朔望雲集唱禮

維那云大眾師展具展畢云某年某月望旦之

辰雲集三拜拜畢云不勞起具又云

西天東土歷代祖師三拜天下大善知識三拜

徑山先老和尚三拜本寺開山老和尚三拜

堂頭和尚三拜首座師三拜西堂師三拜

後堂師三拜堂主師三拜都監寺師三拜

監寺師三拜都寺維那師三拜書記師三拜



行堂碗頭師	田頭圖頭師	殿主直座師	飯頭茶頭師	監收師	方丈侍者師	知客師	知藏師
三拜	三拜	三拜	三拜	三拜	三拜	三拜	三拜
知具襍務師	園頭菜頭師	香燈侍者師	貼庫貼案師	耆舊師	悅眾師	直歲師	副寺師
三拜	三拜	三拜	三拜	三拜	三拜	三拜	三拜
直牲直作師	柴頭火頭師	米頭磨頭師	印房作房師	化主庄主師	客堂主師	知浴師	典座師
三拜	三拜	三拜	三拜	三拜	三拜	三拜	三拜

巡照巡山師 三拜  
 司鐘門頭師 三拜  
 知隨行者佛子  
 問訊內外舉到不周者普禮三拜  
 堂頭和尚完禮三拜  
 請起具

浴堂規

凡浴期以逢五逢十為限  
 如明日朔望則先一日設浴  
 遇期日先掛開浴牌  
 午後湯熱具威儀請  
 堂頭浴浴畢請版首執事浴次  
 通知客請尊客浴後行柳二下堂眾  
 挨單每單八位入浴



堂衆浴畢，柳六下客堂，衆浴復普柳二通堂外。行衆浴如生，疥癬者隨後浴，不得紊亂違者罰。

入浴軌式

凡入浴室，當將淨衣掛於淨竿，觸衣掛於觸竿。浴前，先洗淨洗足，須細行，不得觸水入浴釜。持得若洗足時，當願衆生具神足力，所行無礙。兜云洗浴身體，當願衆生身心無垢，內外光潔。掩跋折囉惱迦吒莎訶。七徧○不得浴堂小遺。

不得其人語笑，人天審鑑云：有一沙彌入浴戲笑，遂感沸湯地獄之報，痛哉！幾微小失而招大過，可不戒歟。

沙彌祝髮

凡爲沙彌，剃染知客，先稟堂頭求法名。堂頭手書云某日爲某甲沙彌祝髮，秉力師某甲揭堂前，隔宿先爲剃頭，留頂心髮，名曰周羅。梵語周羅，此云小結。至日清旦，方丈中設香花燈燭，堂頭據座，秉力師具威儀，引沙彌詣



方丈乘力師先沙彌炷香三禮互跪合堂乘力  
作禮已命師持淨水灌頂遂為剃落沙彌起身作禮九拜  
次禮乘力師九拜遂登殿禮佛叅堂巡察即日  
設齋供眾若淡薄者隨分剃落之後依業師教  
誡習經律至戒期時乞受沙彌戒若住小菴院  
本師為祝髮畢即依弘戒法儀授以三歸五戒  
及沙彌十戒付衣隨眾歷三夏聽登壇受具  
若慧根鈍未諳律儀者須勤學可也

○叢林中不許私受少年弟子夫為衲子為生人  
大事腰包頂笠叅叩宗師緣合則住不合則去  
即已身尚恐繫累況受徒耶若一人私受則眾  
人倣效非叢林法也違者出寺前有沙彌祝髮  
者略存其禮或有發心人誓欲叢林出家依止  
堂頭不可阻障或有久住老成輩乏人奉事者  
堂頭給與非私受也若別住菴院者不論

齋堂兩序位次



位客位眾行位眾堂

序東

齋堂

居士位 耆舊位 客主位 悅眾位 直歲位 典座位 副寺位 維那位 監寺位 都寺位

監收位 丈侍位 知浴位 知客位 知藏位 書記位 堂主位 後堂位 西堂位 首座位

序西

位客位眾行位眾堂位

頭位堂

執事單

方丈侍者 典座 化主 作房 田頭 碗頭

都寺 知客 庄主 殿主 圍頭 知具

監寺 直歲 飯頭 直座 園頭 雜務

維那 知浴 茶頭 香燈 菜頭 直牲

書記 悅眾 貼庫 侍者 柴頭 直作

知藏 堂客主 貼案 米頭 火頭 巡照

副寺 監收 印房 磨頭 行堂 巡山



# 叢林師訓條規大約

## 須示有十開後

天童密雲  
老和尚作

司鐘

門頭

知隨

行者

佛子

第一為佛弟子務先遵佛遺制晨夕必以禪誦依時習業若不爾者非佛弟子自當出院

第二為佛弟子務先遵佛教戒必欲清淨身口意三

業防微杜漸常自簡察若不爾者非佛弟子出院

第三為佛弟子務先遵承師命一一教誡十二時中毋得忤逆背誨況有抵觸若不爾者非佛弟子

出院

第四不許私蓄長物販賣賈易營利者出院

第五不許坐食無功專學已業不隨眾公務者出院

第六不許攻鬪是非互相謗毀以至交拳相扛出院



第七不許潛自出入習近男女色犯者出院

第八不許竊取常住物結托豪貴施主犯者出院

第九不許假托常住名色化入布施背眾隱匿浪費

不公用者出院

第十不許假托貨買剋落常住錢財背眾偏用者出

院

○繼有十事當戒須知但有老疾重病者規矩飲食不能隨眾稍異調養是

病愈不得瞞心假病躰懶專圖私費背眾食用

是二

不許假托公務擅用常住財物毀廢無功負欠

不償是三

無故毀棄常住貨物等件不許隱匿恃強不倍

賠償是四

前犯擯出未經悔過毋得恃強不稟情允擅自

如舊安居是五



因果罪福無慚無愧凌蔑規矩不得與眾全居  
是六

不務守僧規戒律在外遊食妄為毋得冒稱本  
寺名色是七

不許假出家衣帽但專世俗非為致招獄訟玷  
汚法門是八

不得結交非法黨眾往來混擾作踐枉用常住  
是九

在內外執事毋得擅權尅落常住財物隱匿以  
為己有背眾私費受用不與眾同飲食專圖私  
蓄坐觀常住各項廢弛不理者許大眾白方丈  
擯罰是十

○叢林法眾多寡必以規禁為先不比婆羅門聚  
會無所避忌在上條目如有犯者量輕重罰責  
如極重從偏門擯出無容再入特曉  
方丈立



省行堂

省行堂者有病比丘攝養之所也使其省察行苦而興悲智云夫彼此有身誰無老病既有叢林僧衆所集不可不設茲老僧最初開棚無暇及此厥後住持有方者當設之此堂貴在高燥寂靜之處窗牖明亮几案淨潔湯火器用藥石等物種種置辦擇一二有道心善視病者居之又病者勢不能隨衆飲食當別打辦以俟所需

立僧兼拂

堂頭欲立僧兼拂先令侍者委曲陳情如有允意堂頭就方丈特爲設茶兩序光伴立僧侍者預席次日堂頭立僧上堂下座立僧詣方丈禮謝午後兩序具威儀啟請維那上香明早掛兼拂牌半齋時兩序覆請候開靜接鐘方丈侍者以盤袱送法鑪拂子至立僧寮同一觸禮而退立僧侍者遂捧鑪拂上法堂法鼓大插兩序偕



黃髮清規  
卷九  
堂衆出迎立僧入堂與兩序問訊登座維那舉讚行香讚畢大衆一齊作禮立僧就座悅衆鳴引磬三通維那白椎立僧秉拂提唱下座齋鑪拂上方丈禮謝退身徧巡兩序及衆寮問訊下午立僧侍者錄法語呈堂頭已揭法堂前

普請章第九

普請之法叢林常事末代澆薄唯好安逸十指不沾水百事不干懷橫州不拈豎州不拾自謂我參禪辨道不屑乎此獨不思老盧踏碓終成大器百丈荷鋤永作人師老僧在故土時重興黃檗雖有數千指普請之風日日不墜蓋古德之規不得不力行焉今在此方叨受國恩事事如意故無田園耕種之勞唯有小務



如采茶埽地搬柴運土等一聞鯨音各宜前進  
若有老病者免

凡欲普請直歲先掛普請牌牌上書上午某處  
作某事下午某處

作某事令直作備什物器用勿臨時欠闕飯後擊

榔三通內外大衆俱出不得躲懶偷安事訖方

回古不云乎冒雨衝風去披星帶月歸不知身

有苦唯恐行門虧古德作務忌勞至此吾等可

不思齊耶

什首  
雜也

遷化章第十

人生幻寄四大匪堅百年漏盡終歸烏有況不

滿百而中天者滔滔皆是維摩芭蕉浮雲之喻

豈欺我哉縱曰古佛應世亦不免泥洹送灰之

儀實大事也竊觀參訪之士孤身隻影托跡叢

林彼此有病寧免無常要在同流互相愍念無

論眷屬親疎衣盂厚薄悉宜盡禮津送庶幾歿

者無憾而存者弗愧知事之人更須留意



進龕

凡住持初示寂

侍者下僧堂鳴椎一下白云堂頭和尚傳語大眾風火相逼不及面違又

鳴椎一下

就沐浴淨髮易新淨衣搭僧伽黎加

跌就座

有遺榻貼座左

座前陳香花燈燭茶菓珍羞鳴

大鐘大眾具威儀入方丈弔慰是日法嗣小師

侍僧治龕室掛素幙議發訃音請主寮尊宿若

無尊宿即本山首座或有名德人隨時而行夜

燃長明燈伴夜坐禪

或誦金剛經

次日或第三

日將進龕又鳴鐘集眾作祭嗣法上首炷香三

拜不收坐具進前上茶上食歸位三拜眾誦楞

嚴咒心經結讚嗣法等復作禮三拜維那回向

云上來諷誦功德奉為本寺堂頭和尚無生

報地妙極莊嚴十方三世一切佛諸尊菩薩摩

訶薩摩訶般若波羅蜜大眾一齊作禮收具分

班主寮尊宿舉進龕佛事

當進龕時

大眾同念

南無清淨法身毘盧遮那佛至封龕則止後作



掛真舉哀佛事法嗣小師侍者著素服青袈裟  
不必披麻帶白違佛制每日二時上粥飯三時  
諷誦七七日中午法嗣小師等伴龕坐禪終七日  
設祭撤靈即日入祖堂或至百日或待新  
住持隨時而行

祭日儀軌

凡設祭時鳴報鐘集眾法嗣先上香三拜歸幙  
下次大眾作禮排班諷楞嚴咒心經已祭主出  
香上三拜不收坐具進座前上茶上食退身三拜

俯首伏地維那跪靈座頭讀祭文讀畢祭主再  
拜歸位大眾結讚回向云上來諷誦功德奉  
為堂頭和尚增崇品位十方三世一切佛云云

出寮 茶毘

將欲出寮預設寮儀香亭真亭幢幡天蓋鏡鉢  
拄杖拂子衣盃挑燈手爐雪柳等物至日鳴鐘  
集眾維那唱云金棺自舉遶拘尸之大城幢  
旆搖空赴茶毘之盛禮若全身入塔則云  
赴難提之盛禮仰憑



大衆稱念洪名用表攀違上資覺路念清淨法  
 身毘盧遮那佛圓滿報身云云至波羅蜜眾司  
 維那引小師拜請起龕佛事訖鳴法器大衆各  
 持雪柳同念清淨法身毘盧遮那佛送至化壇  
 都寺押眾化壇前當設靈几備香花燈燭茶果珍羞至化壇安龕畢  
 大衆所持雪柳安於壇內都寺上香上茶眾司  
 維那進前燒香引小師拜請秉苜佛事山門維  
 那舉無常偈云諸行无常是生滅法生滅滅已寂滅為樂大衆同和凡三遍

次舉楞嚴咒回向云上來諷誦功德奉為堂頭  
 和尚茶毘之次增崇品位十方三世云云是日當設  
一大齋觀施重於尋常次日小師法眷等以陶器收靈骨  
 迎回安奉請安骨佛事挂真供養

出寮之式

幡欽引磬大衆東序拄杖法衣挑燈手爐  
 真亭 天蓋靈龕 侍者 官員 隨從  
 小師 寮主 都寺 侍者 施主 隨從  
 幡鼓引磬大衆西序拂子盞盃挑燈手爐



進塔

預先備真亭幢幡天蓋辭世偈盃孟拄杖拂子  
手爐燈籠等一一擇人捧執次就塔前設几案  
陳香花果品齋供時至鳴報鐘集眾主喪尊宿  
舉起龕佛事畢鳴大鐘鼓大眾各執線香一枝  
同聲稱念南無清淨法身毘盧遮那佛送至  
塔頭歇鐘鼓作祭諷誦誦畢主喪舉進塔佛事  
大眾一齊作禮迎真歸寢堂供養

遺物

住持人所有遺物當一一登簿散眾設齋俵賜  
餘者分及者宿檀越故舊等以表遺意若有可  
鎮山門者存焉

入祖堂

至日預就祖堂嚴設祭筵歷代諸祖逐一同備  
闕則非禮是日法堂上當挂真香花燈燭如法  
供養齋前鳴鐘集眾住持上香上茶上食展拜



如儀維那舉楞嚴咒回向云上來誦誦殊勳奉  
增崇品位十次鳴鐘大衆至祖堂兩序立班住  
持向供臺立行者以盤袱盛牌度住持住持接  
牌舉法語安牌訖上香上茶上食大展九拜次  
兩序出班燒香拜已舉大悲咒回向同上

訃音式

某等山門不幸 本師堂頭和尚今月某日遽  
爾歸真謹以訃聞謹狀

凡僧

某年某月某日某寺寮司比丘某稽顙百拜

凡僧衆將圓寂看病人同知事代查收衣單道  
具對病人前一登簿以便估唱既寂之後即  
為沐浴淨髮著淨衣只用短衫一件中衣一件  
襦衫一件尋常數珠一串  
挂絡一頂結跏入龕前設靈几香燈茶菓剪紙幡四  
首書無常偈云 諸行無常是生滅法生滅滅  
已寂滅為樂請堂頭起龕下火直歲令行人備



涅槃臺  
化人壇  
也

乾柴火把掛送凶牌事訖鳴鼓集眾眾各披七  
條至龕前堂頭舉起龕佛事已維那舉念佛緣  
起鳴鼓欽眾隨聲稱念送至涅槃臺誦彌陀經  
往生咒回向云上來諷誦功德奉為新圓寂  
某甲上座茶毘之次莊嚴報地十方三世一切  
云云當日公界為凶僧設供一堂下午就佛殿側設靈几香  
燈茶菓立位牌牌上書云新圓寂某禪人之  
靈或是頭首則書其上座即日勉課繞佛時誦  
覺靈餘隨職稱呼書之

靈前念大悲咒心經往生咒無常偈回向無論  
親疎至一七而止

唱衣

估音古  
論價也

估唱之法出自佛制增輝記云佛制分衣意令  
存者見其人物分與眾僧作是思惟彼既如斯  
我還若此因其對治息貪求故  
凡欲估唱知事直歲喪主等預將凶僧衣物帳  
目置齋堂上書記位前備筆硯然後鳴鼓集眾



堂頭據位兩序大眾次第坐定維那白云

○浮雲散而影不留殘燭盡而光自滅今茲估唱

用表無常仰憑大眾念

清淨法身毘盧遮那佛 眾合掌念

圓滿報身盧舍那佛

千百億化身釋迦牟尼佛

當來下生彌勒尊佛

十方三世一切諸佛

大智文殊師利菩薩

大行普賢菩薩

大悲觀世音菩薩

諸尊菩薩摩訶薩

摩訶般若波羅蜜 念畢鳴磬一下

維那云 白大眾唱衣之法用表常規新舊短

長自宜照顧磬聲斷後不得翻悔謹白 復鳴磬

云 衣



一號袈裟一頂估銀若干

二號褊衫一領估銀若干

三號盃盂一口估銀若干

書記一一登帳如是唱訖再鳴磬一下 回向云

○上來念誦唱衣功德奉為新圓寂 某甲 上座覺

靈莊嚴報地十方三世一切佛云云

凡僧所有之物無論多寡悉應估唱若不估

唱違制得罪 若有佛像經律不應估賣

若僧衣盃稍豐估唱已當為修佛事飯僧以

資冥福若有餘者備作塔資僧物因果甚大

一錢不可錯知事者宜慎之

### 入塔

將入塔法眷故舊等預先請堂頭起骨人塔佛

事 或堂頭事煩命請首座西堂等為之 先一日知事令人治香亭

安滑石 躬香亭 塔前設香燈茶菓齋供至期鳴

鼓集眾堂頭起骨已眾舉聖號鳴鼓鉞送至塔



所堂頭舉入塔佛事眾念大悲咒心經往生咒  
維那回向云 上來諷誦功德奉為某甲上座  
進塔之次莊嚴報地十方三世一切佛云云  
事訖法眷故舊等詣方丈禮謝堂頭首座大眾

佛事梵唄讚

佛降生 浴佛日用

三祇因滿萬德果圓下生觀史誕藍園九水浴金盆  
指顧稱尊法界沐慈恩 南無天人師云云

佛成道

棲身雪嶺六載修行明星現處豁雙睛無上道初成  
普視眾生佛慧本均平 南無大覺尊云云

佛涅槃



婆羅樹下。跋提河邊。泥洹時至。會人天。遺教語親宣。  
中夜寂然。一代化儀全。  
南無涅槃會上。云云

彌勒佛降生

逝文已逝。彌勒當來。度生補處。坐蓮臺。說法會三開。  
德本深哉。果報永無涯。  
南無龍華會上。云云

初祖忌

少林燈耀。普照大千。無明臂斷。得真傳。隻履返西乾。  
五葉芳聯。祖道永懸絲。  
南無度人師。云云

百丈忌

叢林師表。無出雄峰。禪儀法範。立成功。三代禮雍雍。  
不墜先宗。湖海永尊崇。  
南無度人師。云云

先覺忌香讚

祖堂聯燈堂通用

真香無礙。流出心胸。非煙非火。氣和融。燄燄徧虛空。  
大圓鏡中。願即降神聰。  
香雲蓋菩薩。云云

先覺回向讚

那伽既入。何往非親。森羅萬象。悉歸真。全不離纖塵。



大願無垠再轉法中輪

圓覺地菩薩 二云云

眾僧讚

閻浮果熟佛國華新浮漚四大本非真證取未生身  
不離初心在處觀能仁 圓覺地 二云云

地藏堂薦靈讚

僧俗通用

眾生度盡方證菩提多生誓願不思議六道仗提攜  
此日靈輻速往妙蓮池 薦往生 二云云

輻音而  
覆車也

老人預囑語

老僧自甲午秋應請東渡二主法席新開黃檗  
迄今十八星霜禪林規制頗成大觀天下雲衲  
咸所共知靜而思之雖則于此土宿有法緣亦  
乃十方護法宰官居士及在會耆德現前眾等  
毘贊之力老僧每揣道德荒疎際斯法會莫不  
感念至意焉茲餘喘已登八旬猶如木末殘陽  
恐在世無多但一代開山典儀猶關千古法系

毘輔也  
贊助也



檀香  
自專也

故不得不預立規訓以曉將來汝等遵而行之  
則為肖子順孫使宗燈炳耀法脈長流與此山  
同其悠久永為祝國福民之場也不則非吾眷  
屬勿入此門以混清眾爰立規約數條永為本  
山龜鑑眾宜知悉

○一冬夏二期內外眾等俱遵聖制禁足安禪晝  
三夜三究明已躬下事為務勿擅出入違佛教  
誠

○一眾等專為好心學道當以慈忍為本戒根淨  
潔因果分明受十方信施須要知慚識愧勿得  
飽食遊談恣逞人我攪亂禪林作諸魔業

○一朝暮二時念誦各宜嚴整威儀隨眾不得偷  
懶除老病者不論

○一本山及諸山凡稱黃檗法屬者槩不許葷酒  
入山門破佛重戒

○一本山第三代住持仍依吾法嗣中照位次輪



也興眾

流推補後及法孫亦須有德望者方合與情克振道風此事在眾等平心公舉勿得恃於權勢互有偏私

○一歷觀古來東渡諸祖嗣法者三四代後即復斷絕遂使祖席寥寥前承酒井空印老居士護法之念嘗言本山他日主法苟無其人當去唐山請補使法脈繩繩不斷此議甚當惟在後代賢子孫舉而行之則是法門重光之象也

○一本山常住齋糧合供十方大眾守護禪林祝國福民永遠香燈之需各菴院槩不許私分

○一留鎮常住及松堂法具什物等當另記一簿以便遞代住持交傳勿致失脫

○一本山住持與各院靜主既同宗派當以協力一心尊法重道贊翼祖庭使遞代化風不墜也

○一松堂老僧壽塔在此即為開山塔院後當本



山各菴院子孫輪流看守  
夏餘規約俱載禪林師訓中及兩序須知文繁  
不錄可參看力行之囑囑

開山塔院規約

本堂合本山各菴院子孫遞年輪流看守以遵  
開山老和尚遺囑所有當行規約開列於左衆  
宜專守勿得擅自改易互有參差違者罰

○一老和尚像前香燈常時不斷晨午粥飯如法

上獻勿得失候

○一每日獻粥飯時誦大悲咒般若心經變食眞  
言畢白云上來諷誦功德奉爲 開山老和尚  
上酬慈蔭十方三世一切佛諸尊菩薩摩訶薩  
摩訶般若波羅蜜

○一每月初三忌日午前聞大鐘鳴七下合山僧  
衆併各院僧衆俱到本堂依法念誦不得怠惰  
○一每月朔望早粥後合山大衆到本堂禮拜



○一每年正月初一至初三日午前合山大眾併各院眾俱集本堂念誦獻供除夕同前

○一每年開山忌日常住設齋獻供諸方法眷隨人厚薄各進香儀塔主收納以備公用即日午間大眾隨堂各菴院主人併諸方有名位者方丈留齋

○一每年交代守院主以七月望後爲期須會本山堂頭暨各院主同查物簿以便進退

○一本堂什物每年須照簿逐一查過交代如有損壞當白眾修補若失脫者亦當白眾公斷

○一本堂寮舍等不許專己改易如欲修補鼎建當與堂頭及各院主會議然後施行

○一本堂所有巨細什物俱存公用勿得私取私移以致臨時乏用

○一各菴院主值當年時名德不合眾望者須會眾公議不必輪及當挨過以鄰次代之



○一本堂僧眾須依開山規訓不得私自出入如有當行之事須白院主給假而行

○一舍利殿係開山老和尚爲

太上法皇鼎建應屬本堂撥入守護

○一列祖堂立位牌第一開山老和尚次凡當山住持說法之師無論久近皆可入若未經住持者決不得違例

○一聯燈堂凡是黃檗派下有嗣法者皆可入若

未嗣法雖有德望亦不可混

○一本堂僧糧若干當及時登簿以便遞年交代後有檀信喜捨者須添入簿內

○右塔院規約一十六條係癸丑七月望日住持嗣法徒木菴瑫等暨諸法孫議定同立已勒版帳不得違犯



門聯通用

開正建千佛會

三陽開泰三業純和頂禮三千三世佛  
萬物呈祥萬方慶喜均增萬福萬年春  
臘盡春回大地均開泰運  
時和歲稔萬民悉獲鴻庥  
百福駢臻億兆羣氓誥至德  
一心清淨三千諸佛現全身

中元建蘭盆會

垂正眼廓慈心徧解視生同一子  
念洪恩修孝行竭誠禮佛答雙親  
承諸佛慈憫之恩冤親普度  
仗眾僧威神之力存歿均資  
誦菴我之章難罄情於因極  
遵孟蘭之旨敢竭念於熏修

戒壇



一念不生六根清淨便成自性盧舍那萬德圓滿  
諸緣頓息衆戒全彰何異卽身芬陀利纖塵弗沾

山門

不二門開擴充格外人天眼  
單傳道振直指西來佛祖心

天王殿

福地鍾靈特感四王護國  
慈門現瑞大歡三會度人

佛殿

宗門肇啟廓天心祇樹林中十聖三賢皆景仰  
紺殿莊嚴光佛日壽華座上千枝萬葉永流芳

禪堂

懵懂主人公喚醒眼睛明月  
顛頂皮袋子打翻鼻孔吼風雷  
選佛門開直接風顛漢子  
辨魔眼正頓超無位真人



齋堂

法眼圓明日費千金非分外  
偷心不滅時嘗滴水也難消

古德語輯要

圓悟曰先師言做長老有道德感人者有勢力服人者猶如鸞鳳之飛百禽愛之虎狼之行百獸畏之其感服則一其品類固霄壤矣  
湛堂曰有道德者樂於衆無道德者樂於身樂於衆者長樂於身者亾今稱住持者多以好惡臨衆故衆人佛之求其好而知其惡惡而知其好者鮮矣故曰與衆同憂樂同好惡者義也義之所在天下孰不歸



焉

古德浴室示衆偈曰從本腥臊假合成皮毛津膩逐時生直饒傾海終朝洗洗到驢羊不解清○身惹塵埃沾尚淺心隨欲境染尤深堪憐舉世忘源者只洗皮膚不洗心○滿斛盛湯大杓澆檀那更望利相饒後生若不知來處福似須彌立見銷

大隋真禪師示衆曰諸禪德老僧行脚時到諸方多是一千少是二百衆在其中經冬過夏未省時中空

過向瀉山會裏做飯七年洞山會中做柴頭二年重處即便先去只是了得自己時中干他人甚麼事如諸佛菩薩皆是積劫勤苦方得成就似諸闍黎還曾捨得甚麼身命作得甚麼勤苦便道我會出世間法世間法尚不會遇此子境界便自張眉努目消容不得說什麼解脫法

智者大師示衆舉古德住山每令執爨者煮粥一日爨者觀火燒薪念念就盡無常遷逝復速於是即於



灶前寂然入定數日方起往上座所具陳所證敘法  
轉潑上座曰汝前所言皆我境界今所說者非我所  
知勿復言也遂問汝得宿命否答曰薄知又問何罪  
為賤何福致悟答曰往世曾住此山因有客至侵眾  
少菜由此譴責今為眾奴前習未忘故易悟爾  
自得輝和尚曰大凡衲子誠而向正雖愚亦可用佞  
而懷邪雖智終為害大率林下人操心不正雖有才  
能而終不可立矣

灰心謂艸堂曰凡住持之職發言行事要在誠信言  
誠而信所感必深言不誠信所感必淺不誠之言不  
信之事雖平居庶俗猶不忍行恐見欺于鄉黨況為  
叢林主代佛祖宣化發言行事苟無誠信則湖海衲  
子孰相從焉

白楊順禪師示眾云道念若同情念成佛多時為眾  
如為己身彼此事辨


密菴曰應菴先師嘗言賢不肖相反不得不擇賢者




持道德仁義以立身不肖者專勢利詐佞以用事賢者得志必行其所學不肖者處位多擅私心妒賢嫉能嗜慾苟財靡所不至是故得賢則叢林興用不肖則廢有一於斯必不能安靜

法具圖


大鐘







禪堂鐘版




大鼓



# 禪堂定香尺

長一尺



尺後書夜間定香式

立春三炷半	立秋二炷半
春分三炷	秋分三炷
立夏二炷半	立冬三炷半
夏至二炷	冬至四炷

大衆慧命  
在爾一人  
爾不爲衆  
答歸爾身

禪堂香版二條

各長四尺二寸

巡香

背書 警昏沈

散香

背書 警雜話




上堂

止靜

拾遺


放參

禪堂前客版



尊客欲入堂知賓鳴版三下堂內開

各處更版巡更時先打三下



念謹策已復打六下



普請

免禮

諷誦

開浴

秉拂

小參

入室

普說



齋堂兩序牌




東 序

都寺 監寺 維那 副寺 典座 直歲

西 序

文侍 知浴 知客 知藏 書記 版管

木魚



引磬



髮版

剃除鬚髮  
當願衆生  
永離煩惱  
究竟寂滅  
庵悉殿都漫  
多羅跋陀  
耶娑婆訶

剃頭時用

以承髮用

已洗乾掛

壁上

齋堂清規石

禪版

○中書本叅話頭

石方一尺厚一寸有犯清規者

規

清

直日

巡香

散香


告假

剃頭

告病


衆赴齋時頂此石跪香

銅磬






佛殿小鼓




出生臺






銅鑼鼓



青銅鑼鼓

銅


大鏡鈸




大鏡鈸

大






齋堂前  
飯梆





雲版



佛殿旛



幢幡



琉璃燈

山門外立石


不許葷酒入山門

高六七尺廣一尺二寸





利竿



廣東省立圖書館  
 藏書  
 樂部  
 廣東省立圖書館  
 藏書

跋

古禮不無太繁今禮未免太簡  
 繁則勞費而難周簡則疎略而  
 弗謹茲所述者亦不設戾古拂  
 今別立新法唯稽校折衷而已  
 庶厥後派下兒孫優於遵守而



杜<sup>ト</sup>其繁簡之議其中猶有<sup>テ</sup>一二  
未<sup>タ</sup>及<sup>ハ</sup>行事不能預定姑闕諸以<sup>テ</sup>  
俟<sup>ツ</sup>後之有名位者續焉慎勿<sup>レ</sup>妄<sup>ニ</sup>  
自改易妄加<sup>テ</sup>瑣碎失<sup>ル</sup>老僧之本<sup>カ</sup>  
意也謹識

